



Olivera P.

628210
30-10-2020
2611/P

Ministry of Civil Affairs

Broj: 14-16-3-15-4/20
Datum: 30.10.2020. godine

Na osnovu člana člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

ODLUKU

o izboru najpovoljnijeg ponuđača

I

Najpovoljniji ponuđač u postupku javne nabavke štampanje objavljenom na web portalu Agencije za javne nabavke BiH, broj obavještenja: 121-7-2-76-3-28/20 od 08.10.2020. godine, koji je proveden u skladu sa procedurom konkurentskog zahtjeva za dostavu ponuda je Svjetlost-BH print d.o.o. Sarajevo.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 21.10.2020. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle 3 ponude i to ponuđača: PLAN PLUS d.o.o. Zenica, Svjetlost-BH print d.o.o. Sarajevo i PRINT-GS d.o.o. Travnik. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača PRINT-GS d.o.o. Travnik nije prihvatljiva iz razloga što nije ispravno popunjen Aneks 9-nacrt Okvirnog sporazuma. U konkretnom slučaju nije uopšte popunjena prva stranica, iako je u tački 15. Konkurentskog zahtjeva za dostavljanje ponuda navedeno sljedeće: *Ponuđači su dužni uz ponudu dostaviti Nacrt Okvirnog sporazuma u koji su unijeli podatke iz svoje ponude, parafirati sve listove Nacrta Okvirnog sporazuma, te ga potpisati i ovjeriti.*

Komisija je utvrdila da su ponude ponuđača PLAN PLUS d.o.o. Zenica i Svjetlost-BH print d.o.o. Sarajevo prihvatljive, te je analizom ponuda, primjenom kriterija najniža cijena, Komisija utvrdila sljedeće:

Najpovoljnija je ponuda ponuđača Svjetlost-BH print d.o.o. Sarajevo sa ukupnom cijenom sa 12.702,30 KM bez PDV-a, odnosno 14.861,69 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DOSTAVITI:

1. Ponuđačima - elektronski
2. Web stranica Ministarstva – na objavu
3. a/a